



Universitätsbibliothek Paderborn

**Thomæ A Kempis Canonici Regvlaris Ord. S. Avgvstini De
Imitatione Christi Libri Qvatvor**

Thomas <von Kempen>

Antverpiæ, 1617

Cap. XIV. De occultis Dei iudiciis considerandis, ne extollamur in bonis.

[urn:nbn:de:hbz:466:1-45760](#)

C A P. X I I I .

*De occultis Dei iudiciis consideran-
dis, ne extollamur in bonis.*

INTONAS super me iudicia tua
Domine, & timore ac tremore
concutis omnia ossa mea, & expaue-
scit anima mea valde. Sto attonitus,
& considero; quia cœli non sunt mun- *Iob 15.*
di, in conspectu tuo. Si in angelis re- *Iob 4.*
peristi prauitatem, nec tamen peper-
cisti, quid fiet de me? Ceciderunt *Apoc. 8.*
stellæ de cœlo, & ego puluis quid pre-
sumo? Quorum opera videbantur
laudabilia, ceciderunt ad infima: & *Ps. 77.*
qui comedebant panem Angelorum,
vidi siliquis delectari porcorum.

2 Nulla est ergo sanctitas, si ma-
num tuam Domine subtrahas. Nulla
prodest sapientia, si gubernare de-
fistas. Nulla iuuat fortitudo, si con-
seruare desinas. Nulla secura casti-
tas, si eam non protegas. Nulla pro-
pria prodest custodia, si non adsit
tua sacra vigilantia. Nam relicti, mer-
gimur & perimus: visitati verò, eri-
gimur & viuimus. Instabiles quippe
su-

sumus, sed per te confirmamur: te-peſcimus, ſed à te accendimur.

3 O quām humiliter, & abiectē mihi de meipſo ſentiendum eſt: quām nihil pendendum, ſi quid boni videar habere! O quām profoundē submittere me debeo, ſub abyſſalibus iudiciis tuis Domine: vbi nihil aliud me eſſe inuenio, quām nihil & nihil! O pondus immenſum! ô pelagus intransnatabile: vbi nihil de me reperio, quām in toto nihil! Vbi eſt ergo latebra gloriæ? vbi confidentia de virtute concepta? Absorpta eſt omnis gloriatio vana, in profunditate iudiciorum tuorum ſuper me.

Ecclesiſtiſa.

23. ♂

Iſaias. 29.

Pſalmi. 116

4 Quid eſt omnis caro, in conſpectu tuo? Numquid gloriabitur lutum, cōtra formantem ſe? Quomodo potest erigi vaniloquio, cuius cor in veritate ſubiectum eſt Deo? Non eum totus mundus eriget, quem veritas ſibi ſubiecit; nec omnium laudantium ore mouebitur, qui totam ſpem ſuam in Deo firinavit. Nam & ipſi, qui loquuntur, ecce omnes nihil, deficient enim cum ſonitu verborum: Veritas autem Domini manet in æternum.

CAP.